

Na osnovu člana 38. Statuta Općine Hadžići („Službene novine Kantona Sarajevo“, broj 15/09, 17/12, 10/13, 14/13 – ispravka, 11/18 i 1/20) i člana 13. Odluke o izvršavanju Budžeta Općine Hadžići za 2022. godinu („Službene novine Kantona Sarajevo“ broj: 2/22), Općinski načelnik Općine Hadžići putem Službe za opću upravu, društvene djelatnosti i zajedničke poslove objavljuje

POZIV

zainteresovanim roditeljima/starateljima djece koja pohađaju I, II, III ili IV razred osnovne škole,
za dodjelu jednokratne mjesečne stipendije

I PRAVO UČEŠĆA

Pravo na učešće u pozivu imaju svi zainteresovani roditelji/staratelji učenika osnovnih škola sa područja općine Hadžići koji u školskoj 2022/2023. godini pohađaju I, II, III i IV razred osnovnih škola, a nisu obuhvaćeni dodjelom udžbenika od strane Federalnog ministarstva rada i socijalne politike (za učenike koji dolaze iz porodica slabijeg imovinskog stanja po evidencijama osnovnih škola).

Odobrena se sredstva u jednokratnom novčanom iznosu do 100,00 KM (slovima: stotinu KM) sa ciljem stipendiranja učenika na ime refundiranja, odnosno subvencioniranja troškova nabavke udžbenika za one roditelje onih učenika koji žele da se prijave.

II POTREBNA DOKUMENTACIJA

Podnosioci zahtjeva trebaju priložiti sljedeću dokumentaciju:

1. Zahtjev/prijava za jednokratnu mjesečnu stipendiju/refundaciju nabavke školskih udžbenika osnovcima od I do IV razreda osnovnih škola sa područja općine Hadžići (može se preuzeti na web stranici Općine Hadžići i na web stranicama osnovnih škola sa područja općine Hadžići);
2. Fiskalni račun za kupljene udžbenike - original;
3. Tekući račun roditelja/staratelja odnosno podnosioca zahtjeva (potvrda banke ili kopiju Ugovora ili kopija kartice ako je na istoj vidljiv broj tekućeg računa);

NAPOMENA:

Obrazac zahtjeva/prijave se može preuzeti na web stranici Općine Hadžići i na web stranicama osnovnih škola sa područja općine Hadžići i zajedno sa fiskalnim računom o kupovini udžbenika i potvrdom banke sa računom ili Ugovorom o otvaranju i vođenju računa ili kopijom kartice predati u osnovnu školu koju će djete pohađati u školskoj 2022/2023. godini.

Roditelji, koji su već izvršili kupovinu udžbenika, a uništili ili zbog nekog drugog razloga ne posjeduju fiskalne račune, pozivamo da od prodavača traže duplikat fiskalnog računa i isti prilože uz zahtjev i tekući račun kako bi i oni mogli ostvariti pravo po ovom pozivu.

Nepotpuna, neuredna, netačna i neblagovremena dokumentacija neće se uzimati u razmatranje.

Javni poziv ostaje otvoren 15 (petnaest) dana od dana objavljivanja, odnosno do 12.09.2022. godine.

Broj: 03-11-3-7666/2022
Hadžići, 26.08.2022. godine

DOSTAVLJENO:

1. Osnovnim školama x 4;
2. Kabinet načelnika- web stranice: www.hadzici.ba;
3. Oglasna ploča Općine Hadžići;
4. Arhivi.

Po ovlaštenju Općinskog načelnika
broj: 03/3-34-4-8546/20 od 23.11.2020.
Pomoćnik načelnika

Eldar Proha